



Inatsisartunut ilaasortaq Anthon Frederiksen, Partii Naleraq

Maani/

Indgået

- 3 OKT. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqquteqaammut akissut nr. 240

Inatsisartut suleriaasianni § 37, imm. 1 naapertorlugu Naalakkersuisunit apeqquteqaateqarputit. Apeqqut taanna uanga naalakkersuisoqarfinnut akisassanngortinneqarpoq.

1. Qaleraleqarfiit mingutsinneqannginnissaat illersorneqarnissaallu qulakkeerniarlugu Naalakkersuisut qanoq iliuuseqarpat?

Akissut 1)

Avatangiisit mingutsaaliorneqarnissaat Naalakkersuisunit eqqumaffigineqartuartarpoq. Imaani avatangiisit illersorneqarnissaat pillugu Inatsisartut peqqussutaat nr. 4, 3. november 1994-imeersoq, kingorna allannguuteqartinneqartoq naapertorlugu imaani avatangiisinut tunngasut malittarisassaqaartitaapput. Inatsit taanna ullutsinnut naleqqunnerulersinniarlugu imaani avatangiisit pillugit inatsimmik nutaamik Naalakkersuisut suliaqarnerat matumuuna oqaatigisinnaavarput.

2. Aalisakkat assigiinngitsut perlukuinik imaanut eqqaasarneq aalisarfinnut qanittumi pinaveersimatinniarlugu Naalakkersuisut qanoq iliuuseqarpat imaluunniit qanoq iliuuseqarniarpat ?

Akissut 2)

Aalisakkeriviit perlukoortarnerat Imaani avatangiisit illersorneqarnissaat pillugu Inatsisartut peqqussutaat nr. 4, 3. november 1994-imeersoq, kingorna allannguuteqartinneqartoq naapertorlugu malittarisassaqaartinneqarpoq. Aalisakkat perlukuinik eqqaasoqartussangoraangat eqqaanissamut akuersissutissatut missingiut ilaatigut KNAPK-mut kiisalu kommunimut pineqartumut tusarniaassutigineqartarpoq. Aalisarfinni perlukoortoqannginnissaa tusarniaanikkut ilaatigut qularnaarniarneqartarpoq.

3. Saarulliit pisarineqartut tamarmik inuiaqatigiinni tunineqarsinnaanerat iluaqutigineqarnerulersinnaanerallu anguniarlugu Naalakkersuisut qanoq iliuuseqarpat ?

Akissut 3)

27-09-2016
Sags nr. 2016 - 14267
Dok. nr. 3643544

Postboks
269

3900 Nuuk

Tlf. (+299) 34 50 00

Fax (+299) 34 63 55

E-mail: apnn@nanoq.gl

www.naalakkersuisut.gl

Aalisakkat avammut tunineqarnerini akinut Naalakkersuisut sunniuteqarsinnaanngillat. Aalisakkanit tunisassiat, soorlu saarulliit, tunisassiallu allat akii namminersortunit aalajangerneqartarput nioqqutigineqartut amerlassusii pisariaqartitsinerlu naapertorlugit. Kitaani avataasiortunit saarullittassat 5.000 tonsiusut tamakkerlugit Naalakkersuisunit nunamut tulaassassanngortinneqarput, kiisalu nunatta kangiani avataasiorluni saarullittassat ilaat 5.000 tonsit aamma nunanut tulaassassanngortinneqarput. Taamaaliornikkut nunami suliffissat pilersinniarneqarput.

4. Aalisarfinni qassutikunik, ningittangaarsiutinik allanillu ataavartumik saliisarnissaq Naalakkersuisut kommunit peqatigalugit sulissutigisinnaavaat ?

Akissut 4)

Aalisarnermik atortunik qaqitsinissamut inatsisitigut pisussaaffiliisoqareerpoq aamma qassutunik ningittakkanilluunniit annaasaqarnermi ujaasisussaatitaasoqareerluni. Piujuartitsineq siunertaralugu aalisarnerup teknikikkut iluarsartuussivigineqarnera pillugu nalunaarutip nutarsarneqarnerani aalisarnermik atortunik qaqitsiniarnermi ujaasinermilu piumasaqaatit sulii sukannerulerulersinniarneqarput.

Ilanngullugu takuneqarsinnaavoq ilaatigut qassusersorluni qaleralinniarnermut ileqqoreqqusani arlalinni aalisarfinni amerlasuunik qassutaarsiutinik ningittangaarsiutinilluunniit pisoqarfiusuni kommunit aamma akisussaaqataasut akuttunngitsumik saliisarnissamut.

Inussiarnersumik inuulluaqqusillunga

Nikolaj Jeremiassen